

## EW NAMOPUNG

A awora ukukun \$96,000 seni ewe Monienapen ewe Muun Chuuk ren fan asengessin an epwe amusa ika ataweei ekkoch niwinimangen Fiscal Year 1985 an ewe Muun Chuuk, me pwan ren ekkoch popun.

Epwe pung me ren ewe Legislature-un ewe Muun Chuuk.

Tetten 1. Iei a kawor ukukun \$96,000, ika fite ukukun epwe tongeni naaf, seni ewe Monienapen ewe Muun Chuuk ren fan asengessin an epwe amusa ika ataweei ekkoch monien Fiscal Year 1985 esemwo wes kamon, iei a tettenitiw:


- |  |             |
|--|-------------|
| (1) Internal Operations an ewe Legislature (Senator's Allowance) |             |
| won ukukun . . . . .   | \$84,000;   |
| (2) Coconut Processing Plant won ukukun . . . . .                | 2,800;      |
| (3) Small Industries won ukukun . . . . .                        | 1,000; pwan |
| (4) 4-H Club (Monien Apupunu) won ukukun . . . . .               | 7,500.      |


Tetten 2. Ei ukukun moni mei kawor me ren Tetten 1 epwe no-ngeni fan tumunuwen ewe Kepina, chinoon chok ewe monien Legislature ewe Speaker-un Legislature epwe wisen tumunu. Ekkewe choon tumunu moni repwe wisen nochcheei an nounoun ekkewe moni epwe chok fiti pungun met ewe nounoun mei affat non Tetten 1, pwan fiti pungun ewe Truk State Financial Management Act, iwe esap pwan wor nounoun ei moni epwe nap seni ei ukukun mei kawor. Met nussun moni esemwo it me non ei moni non September 30, 1986, epwe niwin sefaan ngeni ewe Monienapen ewe Muun Chuuk.

Tetten 3. Ekkewe choon tumunu moni repwe awora ar repot ngeni ewe Legislature non April 15, 1986, epwe affatatiw:

- (1) unusen porausen nounoun ewe moni mei kawor me ren Tetten 1, fongon me ukukun nussun moni mei wor non April 1, 1986; pwan
- (2) napanapen nounoun ewe nussun moni mei wor non April 1, 1986, an epwe nounoun non met ewe nussun ewe fiscal year, nge och sopusopun report won nounoun ewe nussun moni epwe pwan kawor ngeni ewe Legislature ika ew committee mei finita, nefinen 20 raan me murin saponon ewe fiscal year.

Tetten 4. Ei Namopung epwe poputa pochokunan fansoun an a kapunguno me ren ewe Kepina, ika fansoun chok an a pusin winita annuk won winikapan.

Sain seni:   
Simeon Innocenti, Speaker  
Truk State Legislature

Annetata seni:   
Datsi Albert, Chief Clerk  
Truk State Legislature

Pwinin maram: Jan 15, 1986

Kapunguno seni:   
Erhart Aten, Governor  
Truk State

Pwinin maram: 2/12/86